

Uunga siunnersuut: Inatsisartut Inatsisaat nr. xx ulloq xx xx 2017-meersoq imigassamik aalakoornartulinnik nioqquteqartarneq sassaallertarnerlu pillugit Inatsisartut inatsisaata allanngortinnissaa pillugu.

(Imigassanik kimittuumik kimikitsunillu aalakoornartortalinnik nioqquteqartarnerup sivitsorneqarnissaa)

(Inatsisartunut ilaasortat Randi Vestergaard Evaldsen aamma Justus Hansen, Demokraatit)

Siumumiit imatut oqaaseqarfigissavarput

Siunnersuuteqartut tunngavilersuuteqarput Inatsisartut ukiakkut 2012-imi ataatsimiinnermi Naalakkersuisut peqqugaat imigassamik kimittuumik kimikitsunillu nioqquteqartarneq sivitsussagaat tallimangornikkut arfiningornikkullu ammasarfiit nal. 2100 tungaanut pisartunngorlugu.

Aalajangermiit piffissaq sivilsunngitsoq qaangiuttoq qinersisoqarpoq, aalajangiiffigisassatullu siunnersuut eqqarsaatigalugu qinersisoqarnerata kingorna Naalakkersuisunut nutaanut pituttuisumik siunnesruut pisussaafiunngimmat atuutilinngitsoorpoq. Tassa siunnersuummut tunngavilersuummut Inatsisartut tunuleqtsiisimanerat tunngavigineqarpoq.

Naalakkersuisut akissuteqarput imigassamik aalakoornartortalinnik nioqquteqartarnermut sassaallersinnaanermullu Inatsisartut inatsissaat 2017-imi ukiakkut ataatsimiinnermi saqqummiunneqarnissaa siunertaralugu suliaqartut, tamatumani aamma ammasarfiit ilanngullugit saqqummiussinissaq siunertaralugu.

Inatsisip tamarniusup ataatsimut saqqummiunneqarnissaa Siumumiit pingaaruteqartutut isigaarput, taamaattumillu ammasarfiit sivitsornissaanik siunnersuut Demokraatinit saqqummiunneqartoq itigartipparput, Naalakkersuisullu imigassamik aalakoornartortalinnik nioqquteqartarneq sassaallertarnerlu pillugit Inatsisartut inatsisaata ukiakkut 2017-imi saqqummiussinissaat innersuullugu, taa-

maalillunimi imigassat aalakoornartortallit pillugit Inatsimmut maanna atuuttumut tamarmiusumik suliaqarnissaq aqutigalugu pisariaqartutut isigigatsigu.

Aalajangiiffigisassatut siunnersuutaavoq imigassanik aalakoornartortalinnik tuniniaanerup sassaa-llertarnerullu ammasarfiisa allangortinnissaannik. Aalajangiiffigineqarneranilu Naalakkersuisut akissuteqarnerminni ukiakkut saqqummiussinissaannik akissuteqaat ilalerparput. Ilanngullugu ammasarfiit allangortinneqarnissaanik saqqummiussaq isummensorfiujumaartoq oqaatigissavarput.

Jens Immanuelson

Siumut